

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës ("Gazeta zyrtare e Republikës së Maqedonisë" nr. 145/10, 136/11, 41./2014, 53/ 16 dhe 83/18), duke vepruar sipas një njoftimi për përqendrim të parashtruar nga Folksvagen Akciegezellshaft, me seli të regjistruar në Berliner Ring 2, 38440 Wolfsburg, Gjermani, dorëzuar përmes avokatit Bozhidar Millosheviq nga Shkupi, në mbledhjen e mbajtur më 15.02.2023, solli

### AKTVENDIM

1.Vërtetohet se përqendrimi me të cilin Folksvagen Akciegezellshaft, me seli të regjistruar në Berliner Ring 2, 38440 Wolfsburg, Gjermani synon të fitoj kontroll të pavarur mbi shoqërinë NIRA Dajnemiks AB me seli në Vallenbergs gata 4, 583 30 Linkuping, Suedi, nëpërmjet blerjes së pjesëve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

2.Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative ( Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

3.Padia për ngritjen e kontestit administrativ nuk e prolongon përmbarimin e aktvendimit.

### Arsyetim

Në përputhje me nenit 15 të Ligjit për mbrojtjen e konkurrencës më 16.01.2023, plotësuar më 31.01.2023, dhe 01.02.2023, në Komisionin për Mbrojtjen e Konkurrencës (në tekstin e mëtejshëm: Komisioni), është dorëzuar njoftim për përqendrim nga Folksvagen Akciegezellshaft, me seli të regjistruar në Berliner Ring 2, 38440 Wolfsburg, Gjermani, ku Folksvagen Akciegezellshaft do të fitoj kontroll të pavarur mbi NIRA Dajnemiks AB me seli në Vallenbergs gata 4, 583 30 Linkuping, Suedi, nëpërmjet blerjes së pjesëve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

### **Aktivitetet themelore të biznesit të ndërmarrjeve të përfshira:**

**-Folksvagen Akciegezellshaft** është shoqëri e cila kuoton në bursë, me seli në Wolfsburg (Gjermani), dhe është shoqëri udhëheqëse e Grupit Volksvagen. Grupi Volksvagen është aktiv në mbarë botën në zhvillimin, prodhimin, marketingun dhe shitjen e makinave të udhëtarëve, automjeteve të lehta komerciale, kamionëve, autobusëve, autobusëve të transportit, shasive të autobusëve dhe motorëve me naftë motoçikletave, duke përfshirë edhe pjesë rezervë dhe pajisje shtesë.

Grupi Volksvagen është gjithashtu i angazhuar në shpërndarjen e automjeteve.

Grupi Volksvagen përfshin markat e automjeteve Volksvagen Pesinxher Kars, Volksvagen Lajt Komrshal, Porsche, Audi, Skoda, Bentley, Lamborghini, SEAT, MAN, Skania dhe Dukati. Grupi Volkswagen ofron gjithashtu shërbime të lëvizshmërisë, të tilla si automjetet në thirrje dhe ndarjen e automjeteve.

Përveç kësaj, Grupi Volksvagen ofron shërbime financiare dhe sigurimesh në lidhje me shpërndarjen dhe financimin e automobilave dhe automjeteve të tij komerciale. Ky biznes kryhet kryesisht përmes Volksvagen Fajnenshl Servisis AG (dhe shoqërive të tij të varura). Volksvagen Fajnenshl Servisis AG shërbime individuale celulare si financim, lizing, sigurime dhe shërbime të prokurimit të sigurimit në lidhje me makinat dhe automjetet komerciale. Së fundi, përmes shoqërisë së varur të Volksvagen Fajnenshl Servisis AG, Volksvagen Bank GmbH, Grupi Volksvagen ofron shërbime të drejtpërdrejta bankare.

Grupi Volksvagen është i pranishëm në Maqedoninë e Veriut përmes shoqërive të varura të mëposhtme:

**-Porsche Lizing SHPKNJ Shkup**, me seli në Bul., Bosnje dhe Hercegovinë nr. 3, Shkup, dhe me aktivitet bazë të regjistruar - lizing financiar;

**- Porsche Broker SHA Shkup**, me seli në Bul. Bosnjë dhe Hercegovinë nr. 3, Shkup, me një aktivitet bazë të regjistruar - veprimtaritë e përfaqësuesve të sigurimeve dhe ndërmjetësuesve të sigurimeve;

**-SKania Makedonija shpknj Ilinden**, me seli në rr. 34 nr. 7 Ilinden, Shkup dhe me veprimtari kryesore të regjistruar - tregtimin e mjeteve të tjera motorike dhe

**- Porsche Maqedoni SHPKNJ Shkup**, me seli në Bul. Bosnjë dhe Hercegovinë nr. 3, Shkup dhe me aktivitet bazë të regjistruar - tregtimin e makinave dhe mjeteve motorike të kategorisë së lehtë.

**- NIRA Dajnemiks AB** fokusohet në kërkimin dhe zhvillimin e zgjidhjeve softuerike për të përmirësuar sigurinë, veçanërisht sistemet e monitorimit dhe paralajmërimit për industrinë e automobilave. Kompania fiton të ardhura kryesisht nga tarifat për dhënien e licencave.

Më konkretisht, NIRA Dajnemiks AB është aktive në zhvillimin dhe integrimin e zgjidhjeve softuerike inteligjente, funksionimi i të cilave mbështetet në bashkimin e të dhënave të sensorëve dhe përdorimin e të dhënave të sistemit cloud dhe që janë komponentë softuerësh të sistemeve të avancuara të ndihmës së shoferit.

NIRA Dajnemiks AB nuk është aktive në Republikën e Maqedonisë së Veriut.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij, veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

#### **Udhëzim për mjetin juridik**

Kundër këtij aktvendimi mund të parashtrohet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

**KRYETAR**  
**I KOMISIONIT PËR MBROJTJEN E KONKURENCËS**  
**Prof. Dr. Владимир Наумовски**